



REPUBLIKA E SHQIPËRISË

MINISTRIA E TURIZMIT, KULTURËS DHE SPORTEVE

**RAPORTI VJETOR PËR PROCESIN E KONSULTIMIT PUBLIK, TË  
REALIZUAR NGA MINISTRIA E TURIZMIT DHE E MJEDISIT, PËR VITIN  
2025**

**1. Përmbledhja ekzekutive** *(pasqyra e statistikave kryesore mbi konsultimet e kryera me mësimet e nxjerra, sfidat dhe mundësitë)*

Gjatë vitit 2025, procesi i konsultimit publik është zhvilluar i plotë, sipas përcaktimeve të ligjit nr. 146/2014 “Për njoftimin dhe konsultimin publik” për 1 (një) projekt akt, i cili është miratuar në Këshillin e Ministrave.

Ministria e Turizmit dhe e Mjedisit ka publikuar pas procesit të konsultimit publik, edhe raportet përkatëse individuale për rezultatet e konsultimit publik për secilin projektakt të publikuar në regjistër, duke përbushur parimin e reagueshmërisë dhe llogaridhënies së këtij procesi.

Metodat për konsultimin e këtyre akteve janë përzgjedhur duke marrë parasysh kompleksitetin e akteve dhe implikimet që krijojnë tek qytetarët dhe grupet e interesit.

Nga monitorimi i platformës së Regjistrit Elektronik për Njoftimet dhe Konsultimet Publike (RENJK), vihet re se për vitin 2025 ka patur komente apo rekomandime për disa akte të konsultuara në këtë platformë. Komentet kanë ardhur me postë elektronike nga grupet e interesit.

Format e përzgjedhura të konsultimit kanë rezultuar efektive duke mundësuar mbledhjen dhe reflektimin e reagimeve të palëve të interesit në draftin përfundimtar më qëllim krijimin e projekt akteve të gjithë pranuar dhe që reflektojnë interesin e publikut.

Rritja e pjesëmarrjes së qytetarëve në procesin e vendimmarrjes nëpërmjet procesit të konsultimit publik mbetet sfida për t’u adresuar edhe më mirë nga institucioni ynë në të ardhmen.

**2. Analiza e konsultimeve të kryera**

**2.1. Numri i përgjithshëm i akteve për të cilat janë kryer konsultimet publike**

Numri i akteve të Ministrisë së Turizmit, Kulturës dhe Sporteve që i është nënshtruar procesit të konsultimit publik dhe që janë miratuar në Këshillin e Ministrave, gjatë vitit 2025 është 1 (një), konkretisht:

1. Projektvendimi “Për miratimin e Strategjisë Kombëtare të Zhvillimit të Turizmit 2024-2030”.

Përzgjedhja e këtij projekti është bërë në përputhje me ligjin nr. 146/2014 “Për njoftimin dhe konsultimin publik”. Në zbatim të nenit 1, të ligjit nr. 146/2014 “Për Njoftimin dhe Konsultimin Publik” përcaktohet shprehimisht se ky ligj rregullon procesin e konsultimit publik për projektligjet dhe projekt dokumentet strategjike, kombëtare dhe vendore.

Në zbatim të urdhrit nr. 3, datë 29.1.2021 të Sekretarit të Përgjithshëm të Këshillit të Ministrave, “Për miratimin e udhëzuesit për procesin e konsultimit publik”, konsultimi publik për këtë projekt është bërë, sepse u vlerësua të kishte një interes të lartë për publikun.

**2.1.1.** *Cili ishte numri i përgjithshëm i akteve të miratuara në një vit të caktuar?*

Numri i projekt akteve të konsultuara dhe të miratuara brenda vitit 2025, me propozim të MTKS-së, është 1, i cili është projektvendim.

**2.1.2.** *Sa akte janë konsultuar dhe sa jo?*

1 (një) projektakt ka qenë objekt konsultimi dhe është konsultuar në masën 100% nëpërmjet metodave të ndryshme konsultative.

**2.1.3.** *Sa ligje me raporte VNR-je janë konsultuar?*

S’ka.

**2.1.4.** *Për sa akte në a) Programin Analitik, b) PKIE, c) dokumente strategjike të sektorit, janë përdorur kriteret/përjashtimet nga konsultimet publike? Cilat janë arsyet kryesore për të mos u konsultuar (nëse ka të tilla)?*

Ministria e Turizmit, Kulturës dhe Sporteve është krijuar në vitin 2025, ndaj nuk ka planifikim në PPAP për 2025.

**2.1.5.** *Cila ishte struktura e akteve të konsultuara (sa projektligje, VKM, udhëzime, etj.)?*

Struktura e akteve që iu nënshtruan konsultimit publik është: 1 (një) projektvendim.

**2.1.6.** *A është përmirësuar situata në krahasim me vitin e kaluar (cilësoni)?*

Krahasuar me një vit më parë, konkretisht me konsultimin në vitin 2024, lidhur me kriteret apo përjashtimet nga konsultimet publike, rezulton se numri i akteve të përjashtuara nga ky proces është i njëjtë.


## 2.2 Metodatat e konsultimit

2.2.1 Cilat ishin metodatat më të përdorura të konsultimit? (Jepni numrin e konsultimeve të kryera për secilën metodë - regjistri elektronik, posta elektronike, faqe interneti, takime publike, komitete këshillimore, etj.)

Projektakti i miratuar për periudhën Janar-Dhjetor 2025 është konsultuar nëpërmjet metodave të ndryshme të konsultimit, si më poshtë:

- Regjistri Elektronik të Njoftimit dhe Konsultimit Publik;
- posta elektronike,
- konsultim e këshillim gjatë hartimit të projekt aktit;
- tryeza të konsultimit publik pas përgatitjes së projekt aktit;

**Grafik 1:** Metodatat e përdorura të konsultimit publik



2.2.2 Cila metodë konsultimi gjeneroi numrin më të madh të komenteve?

Metoda që gjeneroi numrin më të madh të komenteve ishte nëpërmjet postës elektronike, nga organizatat e shoqërisë civile të cilët zgjedhin që komentet e tyre t'i dërgojnë në adresën e koordinatorit të konsultimit publik apo personit tjetër të kontaktit, që është sipas rastit, specialisti përgjegjës për hartimin e projektaktit.

Gjithashtu edhe nga zhvillimi i dëgjesave publike janë gjeneruar një numër i konsiderueshëm komentesh.

*2.2.3 A organizoi institucioni konsultime paraprake në fazat e hershme të hartimit? Nëse po, në sa raste?*

Institucioni ka zhvilluar konsultime paraprake, në fazat e hershme të hartimit, për projektvendimin “Për miratimin e Strategjisë Kombëtare të Zhvillimit të Turizmit 2024-2030”.

**2.3 Kohëzgjatja e konsultimeve**

*2.3.1 Sa konsultime ishin të hapura për 20 ditë pune siç kërkohet nga ligji? Cila ishte periudha më e gjatë apo më e shkurtër e kohëzgjatjes së konsultimeve?*

Për projektvendimin që i është nënshtruar procesit të konsultimit publik, për vitin 2025, nëpërmjet publikimit në RENJK, është respektuar afati ligjor prej 20 ditë pune.

*2.3.2 Cila ishte kohëzgjatja mesatare e konsultimit?*

Kohëzgjatja mesatare e konsultimit ka qenë minimalisht një muaj, pra 30 ditë kalendarike, referuar afatit të publikimit në RENJK, të projektaktit.

*2.3.3 A është përmirësuar situata në krahasim me vitet e kaluara?*

Edhe për këtë periudhë, konsultimi publik në Regjistrin Elektronik për Njoftimet dhe Konsultimet Publike (RENJK) për të gjitha aktet e miratuara gjatë vitit 2025 u realizua në përputhje me parashikimin ligjor lidhur me respektimin e afatit prej 20 ditësh pune duke filluar nga data e publikimit.

**2.4 Palët e interesuara të përfshira**

*2.4.1 Sa aktorë të jashtëm, jo-qeveritarë morën pjesë për hartimin e akteve si anëtarë të caktuar të grupeve të punës/organeve këshillimore në vitin e caktuar?*

Janë organizuar 5 takime në disa rajone të vendit, me përfaqësues të pushtetit lokal, komunitetit të biznesit, organizatat ndërkombëtare, academia dhe aktorë të tjerë, me prezencën edhe të partnerëve të GIZ në hartimin e strategjisë dhe të ekspertëve të kompanisë Horëath

*2.4.2 Cila ishte struktura e anëtarëve të jashtëm të grupeve të punës (ekspertë individualë, OSHC, kompani, etj.)*

Ekspertë.

*2.4.3 Sa palë të interesuara morën pjesë/dhanë komente në konsultime të hapura të realizuara për projekt-aktet në vitin e caktuar?*

Palët e interesit të përfshira në konsultimin publik janë pushteti lokal, komuniteti i biznesit (Shoqata të ndryshme në sektorin e turizmit, dhomat e tregtisë, biznese) organizata ndërkombëtare, akademia, ekspertë të ndryshëm të fushës.

*2.4.4 Cila ishte struktura e kontribuuesve në konsultimet publike, sa persona, sa persona juridikë (ndërmarrje, shoqata, etj.)?*

Struktura e kontribuuesve ishte si më poshtë:

- 1.Pushteti lokal,
- 2.Komuniteti i biznesit,
- 3.Organizata ndërkombëtare,
- 4.Akademia,
- 5.Ekspertë të ndryshëm të fushës.

*2.4.5 A është përmirësuar situata në krahasim me vitet e kaluara?*

Vlerësohet se situata në krahasim me vitet e kaluara ka ardhur duke u përmirësuar. Kjo gjë konstatohet nga rritja e numrit të pjesëmarrësve në procesin e konsultimit, të organizuar nga ministria. Gjithashtu, një tjetër tregues rezulton dhe nga monitorimi i faqes së Regjistrimit Elektronik për Njoftimet dhe Konsultimet Publike, pasi vërehet një rritje e numrit të qytetarëve që ndjekin projekt aktet e publikuara në të.

## **2.5 Rekomandimet dhe komentet e marra**

*2.5.1 Sa është numri i rekomandimeve dhe komenteve të marra gjithsej dhe mesatarja për çdo konsultim?*

Për projektet e miratuara për vitin 2025, numri i rekomandimeve dhe komenteve është si vijon:

- Projektvendimin “Për miratimin e Strategjisë Kombëtare të Zhvillimit të Turizmit 2024-2030” – 65 rekomandime.

*2.5.2 Sa prej tyre u pranuan, u pranuan pjesërisht ose u refuzuan*

Për projektaktin e konsultuar dhe të miratuar për vitin 2025, numri i rekomandimeve dhe komenteve të marra ishte 65, nga këto u pranuan plotësisht 27, 16 u pranuan pjesërisht, ndërsa 22 u refuzuan.

#### *2.5.3 Cila është tendenca nëse krahasohet me vitet e kaluara?*

Tendenca e pranimit të komenteve dhe sugjerimeve të dhëna nëpërmjet RENJK, takimeve publike apo emaileve mbetet e kënaqshme, pasi shumica e komenteve të marra është reflektuar.

#### *2.5.4 Sa raporte të VNR-së janë ndryshuar/përditësuar në bazë të informacionit/të dhënave të marra gjatë konsultimit publik?*

Nuk ka patur ndryshime.

### **2.6 Raportet mbi rezultatet e konsultimit**

#### *2.6.1 Sa raporte konsultimi publikoi institucioni?*

Për aktin e publikuar në RENJK, për të cilin afati i konsultimit është mbyllur dhe është bërë vlerësimi i komenteve nga strukturat teknike, institucioni ka publikuar raportin individual të konsultimit.

#### *2.6.2 Nëse disa nuk u publikuan, cilat janë arsyet?*

Nuk ka patur raste të mospublikimit.

#### *2.7 Vetëvlerësimi i institucionit në lidhje me Indeksin e cilësisë së performancës institucionale në përputhje me kërkesat e ligjit për njoftimin dhe konsultimin publik (Jepni informacion për rezultatin mesatar për të gjitha aktet e institucionit, subjekt të konsultimeve publike, bazuar në pikët e rezultateve në Shtojcën 5c)*

Indeksi i performancës për cilësinë e konsultimit publik për Ministrinë e Turizmit dhe Mjedisit është 8, për projektaktin e miratuar.

**3.Sfidat dhe mundësitë për të ardhmen** (Cilat janë sfidat kryesore në organizimin dhe zbatimin e konsultimeve në ministri dhe si duhet dhe do të adresohen ato në periudhën tjetër të raportimit?)

Sfidat kryesore të konsultimit publik vijojnë të lidhen edhe këtë vit, kryesisht, me nevojën për një përfshirje më të gjerë dhe më aktive të publikut në këtë proces. Ende nuk

evidentohet në nivelin e dëshiruar një kulturë e konsoliduar e angazhimit në proceset e hartimit të politikave, pavarësisht përmirësimeve të vërejtura gjatë periudhës së fundit. Në vijim, me qëllim rritjen e cilësisë së procesit të konsultimit publik, synohet forcimi i ndërgjegjësimit përmes një informimi më aktiv dhe më të strukturuar të publikut, duke shfrytëzuar në mënyrë të përshtatshme zhvillimet më të fundit në mjetet dhe kanalet e informacionit.